

Litazions provinzièeles 2023

EN DOMENIA AI

22
DE OTOBER

CHE ÉL PA DA SAER?

OLÀ

Per litèr te cognes jir te la senta litèla scritta sun tia tessera litèla.

COCHE SE LITA

Te pes litèr l candidat president e una de la listes coleèdes al medemo (schecondir la listes che met ensema sia coalizion), e te pes dèr ju enscin a doi stimes de preferenza per i candidat conseieres de la lista cerduda.

RECORDETE LA TESSERA LITÈLA

Per poder litèr se cogn ge moscèr a la senta litèla n document de identità valevol e la tessera litèla.

É PERDÙ LA TESSERA LITÈLA, CO FAE PA?

Se t'ès perdù la tessera litèla o se no l é più posc vec per l stempel, te cognes te oujer al ofize litèl de tie Comun, avert ence en domenìa ai 22 de otober, e n domanèr na copia.

ORARIES

Se lita demò en domenìa ai 22 de otober cò se sera su la operazions dantfora (costituzion de la senta litèla e timbradura de la zedoles) che les scomenza da les 6 da doman. La sentes litèles sarà orides en fin da les 10 da sera. La operazions de dombrament scomenzarà da les 7 da doman de en lunesc ai 23 de otober.

LA ZEDOLA LITÈLA

Te ciaparès na soula zedola con su scrit i inomes di candidat presidenc e apedejù i simboi de la listes che les i sostegn, co la lèrga per dèr ju enscin a doi stimes de preferenza per la candidates o i candidat conseieres.

LA PREFERENZES

Te pes dezider de no dèr ju nesciuna preferenza, de n dèr ju una demò o ence does.

MET VÈRDA A LA PREFERENZES DE JENDER

Se te ves dèr ju doi preferenzes, recordete che les cogn esser per un el e una ela opuramenter per una ela e un el. Se vegn lità doi femenes o doi omegn, la seconda preferenza sarà anulèda, alicontra la pruma preferenza la sarà valevola e medemo ence la stima de lista e la stima al president.